

大明會典

大明會典卷之二十七

戶部十四

會計

漕運

國朝自永樂定都於北。軍國之需皆仰給東南。漕運之法日益詳備。諸凡事例禁令具列于後。

洪武五年

命率舟師海運以餉遼歲七十萬石。○永樂元年令於淮安用船可載三百石以上者運糧入淮河。沙河至陳州。潁岐口。跌坡下。用淺船可載二百石以上者運至跌坡上。別以大船載入黃河。至

八柳樹等處令河南車夫運赴衛河轉輸北京
○二年令海運糧到直沽用三板划船裝運至
通州等處交卸海船回還又以水路闊淺遲悞
令於小直沽起蓋蘆囤二百八座約收糧一十
萬四千石河西務起蓋倉囤一百六十間約收
糧一十四萬五千石轉運北京○三年令總督
糧儲官於天津城北造露囤一千四百所○五
年令山東布政司量起夫車將濟南府并濟寧
州倉糧送德州倉候衛河船接運○六年令海
運船運糧八十萬石於京師其會通河衛河以

淺河船相兼轉運○八年令湖廣江西浙江三處倉糧除本處支用其餘糧本部差官督各該司府起運○十二年令湖廣造淺船二千隻歲於淮安倉支糧運赴北京其舊納太倉糧悉改納淮安倉收貯○又令北京山東山西河南中都直隸徐州等衛俱選官軍運糧此漕運之始○十三年濬復會通河奏罷海運令浙江嘉湖杭與直隸蘇松常鎮等府秋糧除存留并起運南京及供給

內府等項外其餘盡撥運赴淮安倉揚州鳳陽淮

安三府秋糧內每歲定撥六十萬石。徐州并山東兗州府秋糧內每歲定撥三十萬石。俱運赴濟寧倉。以淺河船三千隻支淮安糧。運至濟寧二千隻支濟寧糧。運赴通州倉。每歲通運四次。其天津并通州等衛官軍於通州接運至北京。○又令浙江都司并直隸衛分官軍於淮安運糧至徐州。置倉收囤。京衛官軍於徐州運糧至德州。置倉收囤。山東河南都司官軍於德州運糧至通州交收。○十六年。令浙江湖廣江西布政司并直隸蘇松常鎮等府稅糧坐派二百五

十萬石。令糧里自備船隻運赴通州河西務等處上倉。○二十一年奏准每歲漕運以兩運赴京倉。一運赴通州倉交收。○宣德二年。令浙江江西湖廣并直隸蘇松等府起運淮安徐州倉糧撥民自運赴通州倉。其運糧軍士於淮安南京倉支運。○四年仍令江西湖廣浙江民運糧一百五十萬石貯淮安倉。蘇松寧國池州廬州安慶廣德民運糧二百七十四萬石貯徐州倉。應天鎮江常州太平淮安揚州鳳陽及滁和二州民運糧二百二十萬石貯臨清倉。令官軍支

運山東河南北直隸府州縣糧徑赴北京其償

運軍船量地遠近與糧多寡如淮安上糧民船

十抽其一徐州十三抽一臨清十五抽一給與

官軍兼舊船運載赴京○五年令河南南陽懷

慶汝寧三府糧運於臨清倉開封彰德衛輝三

府糧運於德州倉交收○又令江南民糧免撥

附近衛所官軍運載至京此允運之始○六年奏准

浙江江西湖廣蘇松常鎮太平等府僉撥民丁

及軍多衛所添撥軍士與見運軍士通二十四

萬分兩班更替償運○七年議准民運多失農

月及官軍空船往還艱苦著例民糧加耗腳各
於附近水次兌與軍運○九年令官軍運糧五
百萬石以三分為率通州倉收二分京倉收一
分各該兌軍處布政司委堂上官二員按察司
一員總理○正統元年令民運糧至瓜淮就令
揚州淮安府衛委官并該倉官攢見數交兌○
六年令各衛兌軍民糧兌完就出通關如路途
寫遠衛所於本都司出給通關填給勘合○九
年令各處民糧每歲該起運京師之數先儘本
都司衛所兌運其不盡者布政司坐撥各府州

縣輪流運送於淮安。徐州臨清德州等倉交收。
○十三年。令兌軍糧料於

東安等門。并五府六部都察院等衙門。及京倉收
六分。通州倉收四分。支軍糧料於淮安。徐州臨
清德州等倉開支於通州倉收。遮洋船運於東
店倉收十萬石。林南倉收五萬石。○又奏准各
處原坐兌軍京糧。或有災傷免徵者。許於原坐
徐州淮安南京該納糧。改撥贍兌。○十四年。令
運糧旗軍留京操練。明年糧改委有司官督糧
里人等上納。○又令蘇州府委官督糧。及敕

實大戶人等。自運京儲。退回旗軍操守。○天順

三年議准。允運糧米。不許以一州縣分作三四

衛。亦不許一衛分作三四州縣。以近派遠。以遠

派近。○成化六年。奏罷蘇松等府民運糧。仍舊

軍運。○八年。定歲運米四百萬石。歲額至是始定○又

以揚州河道乾淺。恐遲糧運。奏准募車支運通

州倉糧。以完京倉之數。待糧船到日。將該運京

糧照數補還通倉。○十一年。罷民運淮徐臨德

等倉糧。令軍船徑赴水次。領兌運送京通二倉

交納。此改兌之始○二十年。奏准河道淺阻。糧運遲

滯運到京者悉免贍。每石加耗米四升。未到者令在京各衛所官軍人等。於通州張家灣等處地方。臨倉預支三箇月。每石加脚價米三升。河西務七升。其所兌糧每石。兌運該收耗米五升。并免贍。米四升。俱作正數支放。如無本色者。每斗折銀五分。送太倉庫。其兌支未盡者。俱送通州倉上納。○二十三年。令改造遮洋運船。為淺船。從新河僨運。其運糧并人夫。亦照淺船例。均派。每船旗軍十名。○正德元年。奏准遮洋總下額運糧三十萬石。內改兌糧六萬石。免徵。

本色每石折銀六錢解太倉銀庫交收○三年
以廬州府原起解鳳陽倉米二萬五千石山路
崎嶇不通漕運令照舊於鳳陽倉上納○九年
議准山東坐運德州倉小麥不拘有災無災俱
每石折收銀六錢○十六年奏准各處原派臨
清倉民運糧七萬六百石今後照數徵完就於
各水客聽漕運衙門撥到軍船交兌不必民運
到倉○嘉靖五年令以

顯陵衛原運湖廣正糧二萬三千九百三十四石七
斗折銀解赴太倉收納船隻派與無船衛分撐

駕○六年奏准開濬通惠河修理閘座築堤立壩造船盤剥以便糧運并年二月戶部請

勅給赴通倉坐糧員外會同巡倉御史督理○八年議准僨運郎中遇河道水淺阻礙船隻就便起集挑淺隄溜及各泉源挑濬等項夫役併力疏通如工程浩大設法起夫協同管河管閘等官整理○十一年題准遮洋額運薊州倉本色米一十萬石內將四萬石每石連耗徵價銀九錢與本色相兼放支太平寨燕河營等寫遠去處官軍每石折銀六錢五分扣除銀兩通融支

放○十二年議准安陸衛改承天衛其原運江西改兌糧七千五百二十八石三斗轉行江西布政司自嘉靖十四年為始均派所屬府縣照例每石連席耗共折銀六錢差官協解太倉銀庫交收○又奏准輕齎銀兩各州縣徑自差人隨同運船押解赴淮聽漕運衙門驗封交付運官隨幫前進不必解府類總展轉稽延○十九年又以荊州左衛改

顯陵衛題准原運湖廣正糧一萬三千八百石江西正糧八千石每石連席耗折銀七錢解赴太倉

交納○隆慶元年題准漕糧四百萬石內除薊
州三十萬石係原議外其嘉靖十一年以後

顯陵承天二衛免運改折江西糧石仍改復本色二

十九年以後因北虜侵犯改薊州班軍行糧及

昌密二鎮糧餉俱改正輸納京通二倉以復歲

收原額三百七十萬之數○萬曆元年題准江

南多兌運江北多改兌令移吳淞船於江北南

京船料難處江浙輕齎有餘令改南京船於江

浙江西有過湖七升浙江有修船六升令均派

一半兌運有輕齎帶納改兌無輕齎令免貼相

均仍以疲衛附於劇縣。今稍相資以重幫定於本省親臨管束

督運官員

凡漕運官各年添革不一。今書見存者於前而附各事例

於後

總督

都御史一員

總兵官一員

把總

舊有遼洋總一員。萬曆元年革

南京二員

中都留守司一員

浙江二員

江西一員

湖廣一員

山東一員

江北直隸二員

江南直隸二員

監兌

戶部主事五員

每歲於漕運議事畢。選差請

江。江。西。湖。廣。等。軍。民。有。司。依。期。交。兌。催。償。起。程。南。運。督。至。儀。真。與。償。運。官。交。接。明。白。即。將。各。兌。完。起。程。并。交。接。日。期。報。部。查。考。回。日。仍。將。兌。完。日。期。具。奏。

償運

御史一員

舊用戶部郎中一員。三月奏差。今改差御史。

押運

叅政一員

舊有協同漕運叅將二員。今革。以一叅政領漕務。

理刑

刑部主事一員

或員外郎三歲代萬曆二年革十一年復差

永樂二年題准設總兵官副總兵官統領官軍

海運○十二年令北京山東山西河南中都直

隸徐州等衛俱各選都指揮一員統領官軍運

糧○十六年令沿河壩閘每三處差御史一員

僉運○十七年令侍郎都御史并武職大臣各

一員催督糧運各部郎中員外分投整理○宣

德二年差侍郎五員都御史一員催督浙直等

府軍民糧運○四年題准差侍郎都御史少卿

郎中等官僉運○十年令漕運總兵官八月赴

京會議次年運事○正統十一年題差主事一員往各司府等處提督交兌○景泰元年設淮安漕運都御史兼理通州至儀真一帶河道○五年令河南山東布按二司官督理兌運○天順元年令總兵官兼理河道○又題准添參將一員協同督運○又令各處監兌民糧司府州官每歲承委後先行本部知會徑赴總督漕運官處比較○二年題准設漕運理刑主事○成化八年議准差在京各衙門堂上官一員催償糧儲○二十一年令每年戶部差官一員於山

東河南。南京戶部差官四員。於浙江。江西。湖廣。南直隸地方。督同各司府州縣正官。并管糧官。徵兌。○弘治二年。議准。每歲於戶部郎中。員外郎主事內。推選一員。領

勅催餉運船。○三年。取回各處監兌主事等官。止令各該管糧官監兌。○七年。令兩京戶部。仍差主事等官。於湖廣。江西。浙江。山東。河南。及南直隸各府。催督監兌民糧。○十二年。令監兌。僉運官。將各衛所掌印。并運糧官。賢否。遞年開送漕運都御史總兵官。三年彙送。以憑考察。○十三

年題准各省守巡道直隸各府佐貳官督理糧
運○十五年題准行天津等處管糧部官但遇
糧船到彼即各照地方接連嚴限催償○正德
六年題准照例於左右侍郎內差一員償運○
七年題准改委戶部屬官四員分往南直隸浙
江江西湖廣地方監兌○十一年題准監兌官
兌完起程交接明白仍回原兌水次整理下年
糧運候交代回京○十五年題准天津兵備副
使帶管白河漕運○嘉靖四十四年題准南直
隸浙江江西湖廣等處監兌官各給關防一顆

○隆慶三年題准兩浙巡鹽御史兼督浙江杭嘉湖三府直隸蘇松常鎮四府漕務革監兌官
○四年題准漕船起行都御史坐鎮淮安叅將移駐瓜儀總兵駐徐州各分經理催督船糧○
又題准給僨運把總關防○又議准南京巡屯御史兼督應天太平寧國安慶池州五府及廣德州糧務○五年題准差御史僨運○又題准裁革叅將設叅政一員每年正月移駐瓜儀經理糧船過關過壩管押到京○又令兩淮巡鹽御史兼督廬鳳淮揚四府及滁徐和三州糧務

○六年議准。徽寧池太兵備兼管糧務。○又題准。給僨運郎中關防。○萬曆五年題准。仍差主事一員往蘇松常鎮監兌。○六年停差僨運郎中。○又令南京二總各衛運官俱與軍政僉書更番領運。責成掌印官先期料理。仍差南京兵部主事一員專管選補軍旗事務。○九年復差主事一員往浙江監兌。○十二年令兩浙巡鹽御史仍帶管漕糧。止行文督催。免其押送鎮江。

運糧官軍

南京把總二。各領衛十三。

錦衣衛

廣洋衛

江陰衛

龍虎衛

鎮南衛

神策衛

府軍衛

府軍右衛

豹韜左衛

龍江右衛

金吾後衛

虎賁左衛

留守左衛

以上把總一員領

旗手衛

府軍左衛

金吾前衛

府軍後衛

興武衛

藩陽右衛

應天衛

橫海衛

水軍左衛

水軍右衛

龍虎左衛

龍江左衛

羽林左衛

以上把總一員領

江南直隸把總二員領衛所十九

建陽衛

新安衛

安慶衛

九江衛

宣州衛

鷹揚衛

豹韜衛

武德衛

留守右衛

虎賁右衛

以上二員領

鎮江衛

太倉衛

蘇州衛

鎮海衛

留守中衛

驍騎右衛

羽林右衛

嘉興守禦千戶所

松江守禦千戶所

以上下江把總領

江北直隸把總二領衛所十五

淮安衛

大河衛

泗州衛

邳州衛

壽州衛

以上把總一員領

揚州衛

高郵衛

儀真衛

廬州衛

六安衛

滁州衛

通州守禦千戶所

泰州守禦千戶所

鹽城守禦千戶所

興化守禦千戶所

把總一員領

中都把總百領衛所十一

留守左衛

留守中衛

鳳陽衛

鳳陽右衛

鳳陽中衛

懷遠衛

長淮衛

宿州衛

武平衛

潁川衛

洪塘湖屯田千戶所

浙江把總二領衛所十三

杭州前衛

杭州右衛

紹興衛

海寧衛

海寧守禦千戶所

湖州守禦千戶所

嚴州守禦千戶所

以上浙西把總領

寧波衛

台州衛

溫州衛

處州衛

衢州守禦千戶所

金華守禦千戶所以上

浙東把總領

山東把總一。領衛所十九

臨清衛

平山衛

東昌衛

濟寧衛

兗州護衛

東平守禦千戶所

濮州守禦千戶所

以上係本總原領

徐州衛

徐州左衛

歸德衛

德州衛

德州左衛

天津衛

天津左衛

天津右衛

通州左衛

通州右衛

定邊衛

神武中衛

以上係裁革邊洋所

入本總數

湖廣把總一領衛所十

舊有荊州左衛嘉靖間改顯陵衛舊有安陸衛

改承天衛俱免運

武昌衛

武昌左衛

蘄州衛

黃州衛

荊州衛

荊州右衛

岳州衛

襄陽衛

沔陽衛

德安守禦千戶所

江西把總一領衛所十一

南昌衛

袁州衛

贛州衛

吉安守禦千戶所

安福守禦千戶所

永新守禦千戶所

撫州守禦千戶所

建昌守禦千戶所

鉛山守禦千戶所

廣信守禦千戶所

饒州守禦千戶所

凡官軍選補宣德三年奏准各都司衛所選委指揮等官專一運糧不許別項差操軍士缺即為撥補如有不差原選委官及軍缺不補者正

官弁首領官俱罰俸半年○五年令巡按御史
布按二司及漕運都指揮選舉管運官員軍多
衛分指揮二員少者一員○六年奏舊差給事
中御史於南京各衛會同該府堂上官在外會
同各都司按察司堂上官及中都留守司直隸
衛所點選運軍其管運官員不能撫卹以致逃
故者從總兵官處治所虧糧仍令補還○七年
增撥南京豹韜左等衛及各都司直隸衛所軍
餘并見運官軍共一十六萬僭運糧儲○十年
令各處運糧官軍但有軟弱事故者於見操屯

田官軍內充補。其提督運糧都指揮等官。許乘糧船一隻量帶官糧。○成化十二年。令各該運糧衛所。今後不許將運糧旗軍捏故掣回改差。如果逃故。先儘見在選補。若正軍數少。方許將殷實餘丁點轉。其月糧行糧并賞賜。在京在外俱照本衛所運糧正軍事例關支。若逃故正軍復役。即令上運替回。餘丁改差。月糧住支。仍將選補運糧餘丁俱照南京戶部所擬造冊轉送查考。○二十一年。令運糧官員老疾不勝任者。赴漕運衙門告驗。聽把總官開報取補。若無相

應官許於軍政佐貳內取補。規避運糧官員仍發上運。旗軍不上運。或逃避者究問。仍發運糧。○弘治十二年。令戶部會同兵部及漕運都御史等官考察運糧各衛所指揮千百戶。廉幹有為者存留管事。貪婪無為者革退。另選相應官代補。○正德五年題准。運官交糧完日。務嚴督軍人。將本幫船隻督押回還。其軍丁有恃頑不行上運。不候交兌。及雖交兌。即棄船逃走者。將行糧賞鈔盡追入官。仍問發邊衛充軍。另拘戶丁補伍。○嘉靖七年題定。考選運官二年一次。

○又議准淮安清江浦管廠指揮聽漕運衙門
填注賢否送戶兵二部與漕運官一體考察去
留○八年議准江北直隸等總係南京衛分者
南京兵部選委主事一員係布政司者各該巡
按御史會同監兌守巡兵備等官嚴督各該衛
所軍政掌印官通查原額運軍逃故缺少者先
將掌印住俸另選正伍內精壯旗軍補役正軍
不足於空間餘丁或別差下選補該衛所無丁
同衛所撥補本衛無丁於本總衛所撥補發各
把總官處審驗上運如有已撥上運又復改差

及老弱不堪詭名搪塞等弊。竝聽漕運衙門并
巡按御史及各委官照例審究。仍將撥過姓名
數目造冊送戶兵二部查考。○九年題准漕糧
官員聽漕運衙門坐名調取。不許擅自補換。○
十四年題准漕糧把總衛所總等官。每三年一
次。戶兵二部會同考察。分別去留等第。奏請定
奪。千百戶鎮撫等官。亦三年一次。漕運衙門考
選。南京兵部及各省撫按衙門遇有申告運官
一切患病年老緣事等項。必須會行漕運衙門
勘實。方許替換。若遇考選軍政之期。查係戶兵

二部原考定者不得擅為紛更。各處衛所總官有缺。於領運及各衛所僉書軍政等官。素有才力者選補。其餘管事缺官。不許擅掣運官。其各該運官。如有科擾侵欺等項實跡。悉聽漕運衙門。盡允官弁巡按御史。指實叅究黜罰。不在三年考察之限。○凡衛所運軍不足。限一月之內。照名補完。若限外不完。百戶十名以上。千戶二十名以上。指揮三十名以上。住俸督補。直至完日。方許收俸。○凡衛所差撥旗軍。或正。或餘。俱選丁力相應之人。照例量免幫貼。遇有逃故等

項移文行取。隨即撥補。押發上運。不許過違十日。○凡逃故軍士。各該衛所不行僉補者。比照京操官軍該班不到事例。參究。○二十一年議准。凡把總等官。三年以上。果有廉能幹濟。依期完糧。不至借債者。准令於實職上陞一級。○二十二年議准。管船旗甲。於見役旗軍揀選丁力相應者充當。如見運數內不堪者。許將在衛城操屯種相應人丁僉補。○四十四年題准。各總衛所掌印官。先期料理下年糧運。不得規避延捱。其舊運官完掣通關。即令掌印。間有掛欠。另

選以備更番○隆慶六年題准運糧衛所各掌印官會同運官將各船旗甲逐名精選身家有力量者選完開造花名長單二張送附近府州縣正官覆審相應不堪者即與更換用印鈐蓋掌印領運官各分一紙後有壞事損失掌印責陪有司另處原單淮南繳報漕司淮北投天津兵備類繳

凡官軍行糧賞鈔洪武二十六年令海運官軍自三月十五日起至九月十五日止每人日支口糧二升○二十七年令日支四升○永樂十

三年令運糧官軍行糧不分遠近俱支三石○
宣德元年令各衛所官軍行糧止給二石○正
統元年令浙江湖廣江西山東河南中都留守
并南直隸衛所官軍行糧皆於本處官倉支給
如倉無見在於存留糧內平斛兌支南京各衛
於應天府原定各衛秋糧內兌支增為二石七
斗山東河南北直隸路近者不增○又題准給
賞官軍鈔錠指揮八錠千百戶鎮撫六錠旗軍
四錠○五年奏准賞運糧官軍鈔指揮八錠千
戶衛鎮撫六錠百戶所鎮撫五錠旗軍四錠如

本處無鈔。許齊本部勘合。徐州迤南衛分於淮
安所屬州縣關支。徐州迤北衛分於衛輝府官
庫關支。○景泰七年。令揚州迤南衛所運糧官
軍。每員名支行糧三石。淮安迤北衛所每員名
支二石。○天順七年定。浙江江西湖廣衛所。本
布政司關支。南京并淮南迤南衛所。於淮安揚
州課程鈔內關支。邳州迤北衛所。於臨清課鈔
內關支。○成化三年。定官軍行糧。浙江江西湖
廣南直隸各總衛所。俱於本處倉。南京各衛。於
兌糧水次倉。各支米三石。江北總安慶衛。於本

處倉支米麥二石八斗。鳳陽等八衛所并直隸
廬州。安慶。六安。滁州。泗州。壽州。儀真。揚州。高郵。
淮安。大河。武平。宿州。及河南。潁川。衛。潁上。千戶
所。俱於淮安倉支米麥二石八斗。邳州。徐州。徐
州。左。歸。德。衛。俱於徐州倉支米麥二石六斗。前
項江北衛所并安慶衛官軍內。摘撥江南水次
交兌者。照依江南衛所事例。各於原定倉分。支
米麥三石。遮洋船。南京水軍左等八衛。俱於南
京各衛倉支米麥三石。大河等五衛。於淮安倉
支米麥二石八斗。山東官軍。於臨清倉。德州。天

津等九衛。於德州倉各支米麥二石四斗。○十年。令運糧都指揮并把總指揮軍伴。於相應軍餘內撥二十名。就令駕船俱照運糧軍餘一例。關支行糧賞鈔。○十七年。奏准南京運糧官軍行糧。令江西蘇松等處將該納南京倉糧。就同兌運。帶去瓜洲淮安扣支。每米一石增水脚價一斗五升。○弘治十七年。議准浙江領運官行糧。限十二月以裏俱於本處照數放支。如本處缺糧。就於杭嘉湖三府該兌糧米關支。如亦缺布政司每石折銀四錢。給散運軍。○十八年題。

准南京二總官軍行糧。將浙河并直隸蘇松等處各府縣應運南京倉糧照數收完。扣留本處候二總兌糧時。齊冊同在水客照數支領。○正德二年題准。江西二總。每船旗軍十名。例支行糧三十石。中途逃故者止扣安家月糧。所遺行糧准給與旗軍。以償雇募。○十五年議准。今後各衛運軍行糧。務與正糧一時兌支完足。如無糧者。就支府庫官銀。每石五錢折算。仍報漕運并該巡撫衙門查考。過期未完。查舉究問。○嘉靖三年。令各該監兌官員督放旗軍行糧。務要

各船旗甲親領。不許冒名代支。如各總衛所領運官軍有侵扣運軍月糧行糧。並聽被害旗軍具告。照例奏奏。○又議准水軍左等八衛運船改江南府州縣糧米者。行糧於水次倉支領。○八年議准江南下江總所屬鎮江等衛月糧俱於鎮江蘇州太倉等府州關支。○又議准運軍行糧除遮洋一總每船額該旗軍一十二名外。其浙江等一十一總衛所每正糧三十石七斗二合扣軍一名。查各運正糧若干。照數支與。如有數外多開者即便革去。○十七年議准今後

運軍月糧。各該撫按官。先將應徵存留糧斛。依期徵給。如徵有不及。或災傷停免。聽各倉庫別項錢糧預行通融處給。不許刁蹬留難。其行糧例。該本處關支者。雖派別省兌運。仍舊在於本處。若兌本省原議水次者。俱要預期徵完。同正糧併兌。不許先儘正糧。將行糧落後。○四十年題准。山東總除運京通二倉外。該運密雲等鎮運軍行糧。照江北總事例。每名四斗。其薊州運軍行糧。照它運密雲事例。每名亦加四斗。各共二石八斗。○四十四年題准。官軍行糧例。該本

處雖派別省兌運。仍舊本處如徵收不齊。江浙湖廣每石折銀五錢。揚州等衛該鳳淮二倉支給者每石折銀四錢。許於庫貯別項銀兩借支補還。違誤者俱聽漕司照例審究。如一月不給者。掌印管糧官各住俸半年。二月不給者各住俸一年半。三月不給者各降二級。半年之上不給者從重議處。○萬曆二年題准。以後漕運衙門給發南京各衛全單。先期咨送南京戶部。照單扣算行糧。另給紙牌。連原單發與運官。前赴兌糧水次支領。及行各巡撫。責令府州縣南糧

耗米、席、竹、驢、脚等項，通作正數給軍。仍將給過行糧數目，并衛所官軍姓名，冊報南京戶部查考。○五年題准，將河南徵收行糧改在小灘者，徑赴臨清倉上納，而以臨清廣積二倉新舊貯米，抵作運官行糧，通融支給。

漕運總數

凡漕糧，先年俱民運。淮、徐、臨、德四倉，軍船接運入京，通二倉，名為支運。永樂末始，令民運赴淮、安、瓜洲，補給脚價，允與軍船領運，名為兌運。其四倉仍十之三四。後兌運漸增，又令軍船各回。

附近水次領兌。民加與過江脚價。視遠近為差。成化十一等年。改四倉米七十萬石。令各軍徑赴水次領兌。名為改兌。其兌運中。又分支運米。與天津薊州密雲昌平。其正額外。又有預備米。貯於臨德二倉。歲運米四百萬石。北糧七十五萬五千六百石。南糧三百二十四萬四千四百石。內兌運三百三十萬石。改兌七十萬石。除例折外。每年實通運正耗糧五百一十八萬九千七百石。

兌運米

浙江六十萬石

江西四十萬石

湖廣二十五萬石

內折色三萬七千七百三十四石七斗

應天府一十萬石

蘇州府六十五萬五千石

松江府二十萬三千石

常州府一十七萬五千石

鎮江府八萬石

寧國府三萬石

池州府二萬五千石

廬州府一萬石

淮安府二萬五千石

太平府一萬七千石

安慶府六萬石

鳳陽府三萬石

揚州府六萬石

徐州三萬石

山東二十八萬石

內折色七萬石

河南二十七萬石

內折色七萬石

改兌米

江西一十七萬石

應天府二萬八千石

蘇州府四萬二千石

松江府二萬九千九百五十石

廣德州八千石

鎮江府一萬石

淮安府一萬一百五十石

以上舊俱運淮安府常盈倉

浙江三萬石

揚州府三萬七千石

鳳陽府三萬三百石

徐州一萬八千石

鎮江府一萬二千石

淮安府六萬九千石

以上舊運徐州廣運倉

山東二萬六千石

河南五萬石

以上舊運臨清廣積倉

山東七萬五千石

河南六萬石

以上舊運德州德州倉

支運米六十四萬四千八十三石三斗

天津倉米六萬石

薊州倉本色米十萬石折色米一十四萬石

密雲鎮米一十五萬四千八百一十石八斗
昌平鎮米一十八萬九千二百七十二石五
斗

以上即上兌運內數

預備米一十九萬四千四百石

臨清廣積倉。山東五萬四百石。河南六萬石。
德州德州倉。山東六萬石。河南一萬石

以上凡有災傷府必停免。就於鄰近府分
照數撥補。候成熟徵還。如遇各府俱有災
傷。就將二倉貯備米內支運。務不失四百
萬石額數

脚耗輕齎

國初民運無脚耗等項。至宣德間。令民糧兌與軍運。成化間。將徐淮臨德四倉支運。亦改兌軍。皆給路費。始各有耗米。兌運米俱一平一尖收受。故有尖米。耗尖米除隨船給運外。餘折銀謂之輕齎。備運軍盤剝費用。改兌無尖米。以耗米二升折銀。謂之折易輕齎。費不足。則於兌運輕齎內挖貼。後通惠河成。省脚價。始立減扣法。扣留者。以備修理通惠河開量減者。以寬民力。兌運加耗米一百七十五萬一千一百九十五

石九升八合

兩尖米三十一萬二千二百二十六石五斗三升

輕齎銀四十四萬五千二百五十七兩零

江西湖廣浙江每石加耗米六斗六升。又兩尖米一斗。共七斗六升。內除四斗隨船作耗。餘米三斗六升。折銀一錢八分。名三六輕齎。今於三斗六升內減去二升。止徵三斗四升。改為三四輕齎。於內仍扣留銀二分。

應天蘇州松江常州鎮江太平寧國池州廬

州安慶每石加耗米五斗六升。又兩尖米一斗。共六斗六升。內除四斗隨船作耗。餘米二斗六升。折銀一錢三分。名二六輕齋。今減去二升。止徵二斗四升。改為二四輕齋。於內仍扣留銀一分。鳳陽淮安揚州徐州每石加耗米四斗六升。尖米一斗。共五斗六升。內除三斗隨船作耗。餘米二斗六升。折銀一錢三分。名二六輕齋。後改為二四。與應天等府相同。山東河南每石加米三斗一升。尖米一斗。共四斗一升。內除二斗五升隨船作耗。餘米一

斗六升折銀八分。名一六輕齎。內俱無減扣。
河南每石再加耗米三升。山東府屬縣在小
灘交兌者亦再加耗米三升。俱折銀一分五
釐給軍以資盤費。

過湖米。九江府每石徵米七升。饒州廣信建昌
鉛山撫州五所兌本省糧者每石亦徵四升。
折銀一分二釐。給軍作過湖脚耗及什物等
用。

脚米。江北三總弁南京浙江下江等總每石徵
脚米六升。折銀給運官同有司為買辦物料。

修船之費。鎮江。廬州。二衛。亦加脚米六升。其江寧。上元。江浦。六合。句容。五縣。脚米六升。將三升量給船戶。三升給軍盤剥修驗。

改兌加耗米。二十萬四千九百三十七石五斗。浙江。江西。每石俱加耗米四斗二升。應天。蘇州。松江。鎮江。廣德。每石俱三斗二升。鳳陽。淮安。揚州。每石俱二斗七升。

以上各加耗內。各折米二升。易銀一分。名折易輕齋。餘俱本色。

徐州。每石二斗二升。山東。河南。每石一斗七

升。俱本色無折銀

凡改兌俱無尖米盤剝之費。折易輕齎如不敷。於本總屬下各衛所兌運輕齎銀內。完貼應用。

永樂十三年。令僨運糧每石俱兩平斛收放。官軍僨運止一尖一平。定為例。○宣德六年。令兌運官軍。量其遠近。給與路費耗米。○八年。題准兌軍脚耗。每石湖廣八斗。江浙七斗。南直隸六斗。江北淮揚鳳陽五斗。徐州四斗。北直隸河南山東三斗。若民自運至瓜淮兌者。四斗。○十年。

令湖廣江西浙江耗米俱六斗江南直隸五斗江北直隸四斗徐州山東河南二斗五升○正統元年奏准加耗江北淮安鳳陽四斗五升浙江蘇松等府民自運至瓜洲者三斗七升淮安者三斗餘如舊○又令各處解納京通倉糧并民運臨清淮安倉糧俱每石一尖一平斛收兩平斛放支官軍僨運臨清等四倉糧俱一尖一平斛支赴京通二倉交收○人令湖廣江西浙江加耗俱六斗五升江南直隸五斗五升江且揚州淮安鳳陽四斗五升河南民糧於蕭縣水

次兌者四斗。民自運至瓜淮等處兌軍運者二斗。其兌運料豆加耗亦准此例。○景泰元年令蘇松常鎮等府民糧自運至瓜洲兌軍者加耗四斗五升。淮安者四斗。○成化七年令瓜淮官軍過江兌運除加耗外每石添給脚米六升。○八年題准脚價耗米就令彼處收糧委官折收解部候用每石脚價米九升。○十年將徐淮臨德四倉民運兌與軍者隨其遠近加與耗米領運。○又令湖廣江西浙江加耗每石四斗。應天并江南直隸二斗五升。徐州二斗。山東河南一

斗五升○十三年題准進倉糧米兌運每石明
加八升。支運淮安等倉照原例一尖一平○弘
治二年。令官軍上納京通二倉。兌運者加耗七
升。改兌者四升。支運并遮洋仍一尖一平收受。
今遮洋加耗六升○十五年題准江西糧米不拘兌運
改運。每石加過湖米七升○正德七年題准過
江脚米。江北五升。江南仍六升○又題准將兌
軍餘耗。每石折銀五錢。收貯在官。各總掌管。以
備到京車脚等用。如有餘漕運衙門查收。以備
急缺支補○又題准輕齎銀兩。各司府州縣每

年務隨正糧一併兌完。方許出給通關。○嘉靖
六年。令各總輕齎銀兩。照例驗給。扣省腳價。解
送太倉銀庫。以備修河等項支用。羨餘銀兩。給
散運軍。○八年。議准。輕齎銀兩。解赴漕司驗兌。
每幫先給十分之三。備沿途起剥支費。其七分
鞘封到京候完扣算。其山東河南輕齎銀兩。先
給。○又議准。江西九江府民糧。照舊徵過湖米
七升。通兌與該衛運軍內扣三升。作行糧。○又
議准。官軍過江領兌蘇州等處者。江北三總弁
廬州衛。每石腳米一斗三升。南京兩總弁鎮江

衛每石七升。其廬州衛本府兌者七升○又議
准河南兌軍秋糧每石加米三升折銀一分五

釐○十六年令遮洋運船該運薊州糧者經涉
海道程途險遠每石先給輕齎銀一分○又議
准兌運糧米照舊分派京倉七分通倉三分改
兌京倉四分通倉六分合貼腳價於輕齎銀兩
完給○二十八年題准江西饒州撫州建昌廣
信鉛山五所每石加過湖米四升折銀一分二
釐○三十年題准蘇州等府腳米將七升有司
自雇民船交與官軍裝糧抵壩其餘六升仍給

官軍過壩修船○萬曆元年題准江北三總派
兌南糧原定脚米一斗三升雇覓江船今瓜洲
建閘徑赴水次聽兌蠲免七升止徵六升其南
京各衛通到水次原徵七升今免一升止徵六
升○二年題准各處隨糧輕齎銀通解漕司內
將三分給運官其七分選定解官秤驗明白各
令入鞘類至十萬上下裝入標船星夜越幫前
進送通倉坐糧郎中秤過寄庫候該幫船到驗
給運官完糧其山東河南者原不過淮責成臨
清兵備差官陸路解進○七年令輕齎銀兩照

議單分為三七。以三分給本幫備船沿途充貼等費。其美餘充給回南旗軍一分。餘候完掣通關之日。查無掛欠。亦便與運官領回分給。不必扣貯。○十一年。以江西饒州等五所淺船改併進賢水次修造。免徵過湖米銀。○十三年題准輕齋。美餘銀舊例一分解淮。二分給軍。今照萬曆七年例。惟山東遮洋二總。每船仍止給銀一兩。中都錦衣旗手上江。下江。淮。太揚州七總。原議每船一兩五錢。今增五錢。共二兩。浙東。浙西。湖廣。江西四總。原議每船三兩。今增一兩。共四

兩其扣省銀兩京倉八項通倉六項照舊扣除

漕規

凡水次交兌宣德七年令官軍運糧各於附近府州縣水次江南民運糧於瓜洲淮安二處交兌河南所屬民運糧至大名府小灘兌與遮洋船官軍領運山東糧於濟寧交兌○正統九年令江南漕糧於九江水次交兌○成化七年令瓜淮水次兌運官軍下年俱過江就各處水次兌運○二十一年令各司府州縣正官并守巡管糧等官將原會兌軍糧米徵完俱限十二月

以裏運赴原定水次倉交兌。不完者各管糧官
住俸。次年正月不完者革去冠帶。經該官吏管
糧委官俱拏問。管兌官亦照例革去冠帶住俸。
若民糧已到。領兌官軍來遲。或刁蹬者。領兌官
一體候兌完日叅問。○正德元年議准湖廣水
次於長沙漢口交兌。○三年令移河南山東兌
糧於臨清水次。○嘉靖十一年議准遮洋山東
二總歲運河南糧仍舊在小灘鎮水次交兌。○
十二年議准湖廣糧俱赴蘄州漢口城陵磯。二
處水次交兌。○十四年題准一應兌軍改兌秋

糧務在及時徵派依例開倉如限運赴水次候交兌若正月終有司無糧軍衛無船者府州縣掌印管糧官領運指揮千百戶行巡按提問各住俸半年二月終無糧無船者各提問住俸一年其船糧不到之數俱以三分之一為限仍各革去冠帶待罪催攢若三月終船糧不到各提問降二級四月終糧船不到不分多寡連布政司掌印管糧官領運把總通行提問各降二級文職起送吏部別用軍職發回原衛帶俸差操○又題准五月終船糧不到水次者併參

衛所掌印官○十六年題准。江西吳城水次原
兌糧改進賢水次交兌○四十二年題准。兌運
漕糧務要遵照例限。十月月倉徵收。十二月完
足。聽候官軍一到。即與開兌。如過限無糧者。許
領運官旗具呈監兌主事先行從重叅究○隆
慶四年題准。漕糧定限。十月開倉。十二月終兌
完開幫。如十二月終有司無糧。軍衛無船。糧道
與府州縣掌印管糧官及領運把總指揮千百
戶住俸半年。違正月終限者。各住俸一年。違二
月終限者。各降二級。布政司掌印官降一級○

萬曆元年題准湖廣衡水荆岳長沙指糧原在
城陵磯交兌者改併漢口水次○十一年改漢
口交兌於金沙洲陳公套水次

凡樣米宣德十年題准各處起運京倉大小米
麥先封乾圓潔淨樣米送部轉發各倉收候運
糧至日比對相同方許收納○弘治十三年議
准各處兌運衙門解送樣米山東直隸限三月
以裏江北直隸鳳陽等處限五月以裏南京并
江南等處限六月以裏浙江湖廣江西限七月
以裏到部如有故違遲悞先將差來人役送問

承行并管糧官吏行各該巡按御史一體究治
○萬曆四年議准各處樣米山東河南限正月
江北直隸限二月江南直隸限三月浙江湖廣
限四月各分頭幫解送總督衙門收候運糧到
日轉發各倉比對

凡運糧程限正德五年令漕運衙門以漕運水
程日數列為圖格給與各幫官員收掌逐日將
行止地方填注一格同原給幫票送部查考事
完送漕運衙門查繳無故違悞運官住俸問罪
○嘉靖八年議准江北官軍免本府州縣糧者

限十二月裏過淮。南京江南直隸官軍。允應天等府州縣糧者。限正月以裏過淮。湖廣浙江江西三總官軍。允本省糧者。限三月以裏過淮。山東北直隸二總官軍。允本處糧者。限正月以裏完報。遮洋官軍。允山東河南糧者。限三月以裏違者。聽僨運官叅治。○又議准淮徐等五倉收糧部官。遇糧船到彼。定與水程。令齎到前路部官處。照限查考。○萬曆二年題准舊例。湖廣江西浙江三總限三月過淮者。多與黃水相值。今定限二月過淮。如違查久近分別治罪。

凡完糧期限。成化八年。令運糧至京倉北直隸并河南山東衛所限五月初一日。南直隸并屬陽等衛所限七月初一日。若過江支兌者限八月初一日。浙江江西湖廣都司衛所限九月初一日。其把總都指揮及千百戶等官違二十日以上。住俸待罪。僨運若連三年違限者遞降一級。二年不違限者獎勵。三年者旌擢。俱奏請定奪。○正德十四年。令京通二倉坐糧員外并薊州管糧郎中。將各總衛所運官違限久近查明送部。行各巡按。自把總以下。通提到官。查係限

外三箇月上完糧者問罪住俸半年五箇月上
完糧者問罪住俸一年各照舊領運若至次年
二月終不完及一年以上不赴運者俱問罪降
二級回籍閒住○嘉靖二年令部倉查各官到
部完納月日比先早一月者指揮等官行原官
司量加犒勞以後三次俱早一月准於實職上
陞一級○八年議准山東北直隸所屬衛所限
四月初一日完江北直隸鳳陽等處并遮洋總
所屬衛所限五月初一日完南京江南直隸所
屬衛所限六月初一日完浙江江西湖廣衛所

限七月初一日完。違限者聽總督并巡倉監督
監兌坐糧撫按等官提問參究。○又議准監兌
官會參過違限運官戶部參覆劄付下年監兌
官到彼提問歸結。○三十七年題准上倉期限
比舊例俱移前一月。四月初者限三月。五月初
者限四月。六月初者限五月。七月初者限六月。
違者總巡衙門分別參究罰俸降級。若南京并
江南直隸各衛所兌江浙二省糧米江北衛所
兌江南各府糧米領運官違限查照二省并江
南事例參治。

凡寄國弘治十二年奏准把總官所管運船俱以十分為率若有一半以上違限寄放德州等處不到倉者令漕運都御史提問降一級納米完日照舊管運一半以下者來提問○嘉靖二年題准運官故違期限寄國守凍把總至三千石指揮至二千石千戶至一千石百戶至五百石者每一次降一級若所寄不及石數者照常發落旗甲不服催僭在途延捱者發邊衛充軍仍於本戶勾補民運委官提問

凡起糧腳價弘治十八年令張家灣水兌糧米

脚價每石原定一錢者減作八分。天津衛寄收糧米脚價每石原銀一錢五分者減作一錢二分。其扣下京衛事故官軍兌支不盡正耗之數及明加免曝折蓆等項有米者俱准運赴通倉上納。無米者每石折銀五錢與脚價銀兩俱送太倉銀庫交收。○正德九年奏定起旱脚價自張家灣至京倉晴乾日每銀一兩起載糧米一十七石。陰濕一十三石。天色初晴道路猶濕一十五石。張家灣里兒寺至通倉每銀一兩起載三十三石。長店兒至通倉四十石。灘子里至通

倉五十石自十年以後各總運船到灣之日即將前項腳價於戶部委官處驗封交收以憑支給○嘉靖八年議准通惠河經紀船腳每糧一石銀二分一釐一絲八忽二微六開水腳每石銀九釐一毫三絲九忽一微車戶車腳每石銀一分四釐八毫四絲二忽七微京通倉歇家包囤每石銀八釐五毫矐夫飯米每船一兩一錢小脚抗糧到囤每石四釐雇人抱籌擡斛打樁每石七毫買墊囤葦把每船二錢買掀掃把每船三錢軍斗籌價每石銀五釐京倉席板隨

船帶至大通橋。席令車戶帶運備雨。每板一片。木一根。各准米一石。起脚京通倉運官交糧紙。劄銀每處二兩。官軍房水銀指揮三兩。千百戶各二兩。旗軍每船京倉一兩二錢。通倉一兩。各該把總遇糧運到倉。呈驗輕齎之後。先將前銀交送京通二倉坐糧員外收貯。提督官給發印信文簿各二扇。一扇查收。一扇查給。在運官者運官領用。在倉中者歇脚領用。

凡優恤官軍。洪熙元年。令運軍除正糧外。附載自己什物。官司毋得阻當。○天順三年。題准。准。

徐臨德濟寧通州等處藥局官給藥餌遇官軍
患病隨即調治○成化元年奏准各處運糧旗
軍附帶土宜物貨河西務張家灣等處免其稅
課○八年題准被凍官軍給與口糧每軍三斗
去德州迤南者給一箇月天津迤北者給兩箇
月。明年上運將該年口糧照數扣除還官○九
年奏准官軍盤剝費用正糧不敷總督等官出
給印信文憑付把總官於太倉折草等項銀內
借與完納下年照數送還○弘治五年令運糧
官旗借貸係三年以前者盡革罷近年者止照

律出息果有窮困衛所缺少脚價者許於太倉量借銀兩完納下年送還○十五年題准附帶土宜不得過十石○正德六年令運軍果有餘米准令置買隨船弓箭鎗刀等件支銷仍行漕司候船回過淮查點○十一年題准在運官軍身故寄歸遺骸官給銀三兩軍給二兩仍存卹二年本軍應支月糧羨餘通行給與○嘉靖三十九年題准工部抽分廠凡遇糧船除土宜四十石外許驗客貨如無放行不許立掛號名色以誤期限○隆慶二年題准糧銀無欠完掣通

關就將本總本幫給軍羨餘銀分給把總二十兩指揮十兩千戶六兩百戶四兩餘仍給軍以資回南○萬曆七年題准每船許帶土宜六十石多者盡數入官如遇淺起剝自備腳價先將土宜起盡舟再難行方許動給官銀敢有破冒照例叅治○八年題准領運等官應給盤纏但經以贓私不法叅論者盡行停給完報違限三月以上而過淮先期依期與完糧不違限而過淮後期及淮北例不遇淮而完糧違限三月以上各給一半過淮後期完糧違限三月以上給

與三分之一。完糧違限五月以上。不論過淮先期盡行停給。運軍應得羨餘姑准給與。其停扣銀兩俱類解太倉。○十二年議准運軍中途病故預支安家月糧俱免還官。仍優卹二年。其遺下行糧給本船旗軍以充雇募。免下年扣除。若中途脫逃者。獲日問罪。仍追安家月糧還官。○又議准運軍土宜監兌糧儲等官。水次先行搜檢。督押司道及府佐官員沿途稽查。經過儀真聽僨運御史盤詰。淮安天津聽理刑主事兵備道盤詰。六十石之外俱行入官。前途經盤官員

徇情賣法。一併參治。其餘衙門俱免投文盤詰。凡漂流。正統七年。令漕運官軍若一衛有數船。遭風漂流者。委官覈實。全衛改撥於通州及天津倉上納。○天順八年。令官軍運糧或遭風水不測。損壞船糧。若在百里內者。務要府州縣正官。在百里外者。許所在有印信官司勘實。結申總兵等官處。如有詐妄。罪坐原勘官。糧米仍依原定分數交納。○成化十二年。

勅總兵官各衛所。果有遭風。所在官司驗實。打撈濕米。就令該管指揮等官。分派各船食用。抵換。

原帶食米上倉。不許故意單幫在後。凡漂流補除脚價俱要當年完足。若延至下年者。管運衛所官員通行住俸。糧完方許關支。管運官旗雖經補完。仍照例查送法司問罪。○十六年。令遮洋船運糧。薊州者。如遇風水漂流。照淺河船例。該撥補數。○弘治二年。奏准漕運糧遭風漂流者。勘實具奏。將兌運京倉減除。通倉上納。如漂流十石。減除一百石。每石省脚價米一斗。以補漂流之數。正糧照例加耗。所省米兩平收受。若通倉缺廢。仍令赴京倉上納。每漂流一百二十

石免曝。一千石亦兩平收受。每石計省曝折米五升并耗米七升共一斗二升以補漂流之數。前項米石俱不挨陳先行放支。○三年令漂流糧米萬石以上都御史總兵官俱聽科道糾劾。戶部具奏定奪。千石以上提問把總官。千石以下提問本管官旗。各該巡撫遇本境漂失數多者照漕司事例叅究。○嘉靖八年議准沿途遇風損壞船隻漂流量米許赴所在官司陳告。掌印官親詣漂流處所勘實具奏。仍候本部轉行巡按御史覈勘明白。方與除豁。如有乘機侵盜。

扶同勘報。就將漕運官軍并有司官吏通行叅送法司問罪。俱發邊衛充軍。○二十二年議准。今後過洪閘遇風淺等項。船存糧漂者。審果不係官軍侵盜費用。就將該幫官旗應給羨餘銀兩給與該總把總官領發損失官旗。責限買米上納。或買不便。就將前銀每石扣銀七錢。徑解各該倉庫收支折糧應用。如該幫官旗羨餘銀數不足。損失米價。將該衛該總運內扣除。務要當年補足原數。如扣除餘剩。照舊給軍。○三十九年題准。運官漂流糧米。許將本衛羨餘銀相

兼處補聽候補還若至二年之外仍不處補即
行查解太倉查解之後雖有應補掛欠俱不准
與處豁假捏漂流及別衛者不許混告轉補○
四十四年題准小惠漂流止以二百石為率該
總勘結呈報准行若出二百石外仍照大惠漂
流事例具奏勘明方與准處○隆慶二年題准
輕齋銀兩驗後總計某總下某衛某幫大惠漂
流若干免贖減除等項補過若干小惠漂流若
干本船脚費等項應補若干其各不敷小惠先
儘本幫次及本衛大惠先及本幫本衛次及本

總如數足於本幫同衛別幫者照常給軍數足於本衛同總別衛者照常給軍如遇非常大患和及緊總均派各衛所數足亦照常給軍○六年題准把總等官原運糧二萬石漂去一千石以上或二千石漂去一百石以上降一級如原運糧一萬石漂去一千石以上或二千石漂去一百石以上降二級俱於祖職上實降不得復職若能自補完不費別軍處補者免罪○萬曆元年議准凡官旗漂流船糧即赴所在督押司道陳告當日委官親勘具奏收糧之日減除免

曠處補。若未經奏到。雖有執照。即係假捏。不得
一槩混支。其起欠掛欠。明係侵欺。與漂欠不同。
不得妄援前例。○六年題准。如遇漂流在揚子
江者。先赴催償把總處具告。一面赴督押司道
官處告委。有司相去一百里者。限二日。一百里
外者。限四日。勘實呈漕司。即與具奏除豁。如有
違限扶捏等弊。即將勘官叅問。官旗分別捏報
漂欠虛數多寡。問擬重罪。其河道漂流者。責令
本幫補納。不敷量動緊幫潤米攤補。不得一槩
奏豁。○十二年議准。漕運官軍。如有水次折乾。

沿途盜賣自度糧米短少故將船放失漂流及雖係漂流損失不多乘機侵匿捏作全數賄囑有司官吏扶同奏勘者前後幫船及地方居民有能覺察告首督運官司查實給賞輕齎銀十兩官軍不分賊數多少俱照例發邊衛永遠充軍有司官吏從重問擬仍行原衛所將失事之人家產變賣抵償不許輕扣別軍月糧以長姦惡前後幫船知而不舉一體連坐仍於正犯所欠錢糧內責令幫陪十分之三○又議准漂流糧米三千石以上提問把總官不及數者止提

問本管官旗○又議准漕運把總指揮千百戶等官如有漂流數多把總三千石指揮及千百戶等官全幫領運者一千石千戶五百石百戶鎮撫二百五十石俱問罪於見在職級上降一級有能自備銀兩不費別軍羨餘當年處補完足者免其問降若願隨下年糧運補完亦准復職止完一半准復一級三年內儘數補完亦准復原職

凡掛欠正德十四年題准把總官掛欠糧一萬石以上或銀二千兩以上於違限上各遞降一

級。每糧一萬石或銀二千兩各加一等。指揮以下掛欠糧一千石以上或銀五百兩以上亦俱於違限上各遞降一級。每糧一千石或銀五百兩各加一等。把總指揮千戶降至總旗而止。百戶降至小旗而止。掛欠不及數者照常論罪。候下次能補完許復原職。以十分為率完能五分以上者准復原降一級。三年內全完者亦准復原職。若延至三年外全不完者終身不准後子孫亦止於降級上承襲。○隆慶四年題准掛欠官旗有先期逃回者移文漕司并各巡按嚴限

提解監追完日。仍照棄撤船糧逃回例。問擬發遣。○六年題准。運官欠糧千石以上。旗甲百石以上。參送法司。不及數者。嚴限比併完。有次第押發漕司追併。其在逃者。運官四百石以上。旗甲五十石以上。嚴提來京。送法司監追。問擬。若旗甲欠不及數。輒棄在逃。許令運官即時呈部。行漕司提問。○萬曆二年題准。掛欠官員果故絕無人承襲。將原欠糧銀除豁免追。以後把總官任內。如分毫顆粒掛欠。縱陞遷。不許離任。敢有朦朧赴任者。參提革任。問罪監追。○十二年

議准運糧官旗掛欠數多犯總名下三千石或銀一千五百兩以上指揮名下及千戶等官全幫領運者一千石銀五百兩以上千戶五百石銀二百五十兩以上百戶鎮撫等官一百五十石銀一百二十兩以上各遞降一級每一倍加一等有能當年補完者通免降級如下年補完及三年內全完者准奏復原職其一應提問官旗各省及直隸江南衛分行各該巡按御史南京并江北衛分行漕運衙門各就近提問以便完結

凡官軍罪犯。宣德九年。令漕運官軍有犯。罰運淮安徐州倉糧赴京贖罪。流罪五十石。徒罪五等。自四十石至十五石。杖罪每一十。一石。答罪每一十。五斗。○正統三年。令各衛所運糧官有比試違限者。俱住俸於淮安倉支該運米數。赴京完納復俸。○又令犯罪罰運者。仍運該運之數。無力者發極邊衛分。○四年。令運糧官軍雜犯死罪者。比流罪加納米三十石。共八十石。於淮安徐州倉支運。○景泰七年。令運糧官軍犯罪者。照例納米收贖。罷罰運。淮徐糧例。○嘉靖

八年議准淮安清江浦各管廠指揮千百戶等
官有犯。比照運糧官員事例聽漕運衙門提問。
若犯該充軍為民。降級調衛罪名問完之日。奏
請發落。○又議准湖廣浙江江西江南等五總
但係考定。或委官造船官員。自指揮以下有犯。
照依江北清江廠事例。徑自提問。

漕船

永樂十二年。令湖廣造淺船二千餘隻。於淮安
各倉支運。○宣德五年。奏准運糧官軍船隻。南
京中都留守。及直隸衛所。於淮安修理。有司給

與材料○正統八年令糧船損壞撥附近地方
木料辦納於清江提舉司修造工部差官一員
監督各衛所仍差撥官軍蓋立廠房相兼匠作
用工及貼辦物料○十三年題准遮洋船三百
五十隻原係南京淮揚等衛官軍駕使每歲由
直沽以東三汊河過赴林南東店等倉交納梁
閣底深開河水淺難行以後糧完日仍在臨清
開下灣泊於衛河提舉司開支物料修船○天
順二年題准衛河通州淮安船廠修造船隻松
木二年小修三年大修五年改造杉木三年小

修六年大修十年改造。小修者軍士自備修理。大修及改造者撥支木料於各衛運糧官軍數內。摘留在廠同清江衛河二提舉司官匠修造。仍催未到木料拖欠班匠應用。○成化十六年題准將浙江湖廣蕪湖三處抽分木植。大者盡送清江衛河提舉司。小者變賣。准作腳價。餘數解部。每年該兌民糧三百三十萬石。每石加耗一斗。著落各把總官員照時價賣銀。解二提舉司給軍。其有司木料價銀停止。○二十三年議准該造遮洋運船。照依淺船裏河木料一例打

造○正德十四年題准運船料價以十分為率
軍辦三分民辦七分○嘉靖三年題准輕齋羨
餘銀差官解淮安府聽漕司將漂流船隻次第
補造俱限百兩一隻查有缺船衛所先將本衛
補足方通融於本總定日給領至灣聽巡倉坐
糧官看驗印烙○十四年今上運船隻原定行
糧三十三石其有損壞就將行糧存省解赴漕
司聽作小修工費○又題准各衛運船遇有損
壞修理不完者一體俱作存省各船旗軍俱令
在衛查照漕規辦料解赴漕運衙門聽作小修

工費。如糧多。船隻不敷。許令各船分載。不許借支存省旗軍行糧。○二十年題准。將南京戶部貯庫鹽引紙價積餘銀。每年支一千七百四十八兩。兵部武庫司收貯缺官柴薪銀。每年支一千兩。聽候總督漕運差官支領造船。○二十四年題准。將軍三民七船料責令有司軍衛依期徵扣。八月以裏。給發興工。如至九月終不完者。住俸半年。十月終不完者。住俸一年。應造船隻限十月終駕赴水次。如十月以裏造船不完。底船不到。廠管廠各委官住俸半年。十一月終不

完不到。各住俸一年。十二月終不完不到。各降

二級。○三十二年議准漕運各總原額淺船。一

萬二千一百餘隻。分隸各廠管造。自今年為始。比照軍船不到水次事例。如過年正月終船造不完底船不到廠者。將管廠并押底船官各住俸半年。二月終不完不到廠者。將領運指揮該廠造船千百戶并押底船官各住俸一年。若至三月終不完不到廠者。連管廠把總并廠運指揮千百戶各提問降二級。俱聽漕司勘明覈實具題參降。其造船完具呈漕運衙門驗明印

烙給軍領駕。若湖廣等廠路遠隨幫過淮一體
查驗印烙。或有釘稀板薄造不如式。侵費料價
底板船不能完者。坐以贓罪。從重問擬。干礙把
總官一體叅究。○三十八年題准浙江糧船行
今北新開設廠工部抽分主事無理打造。○隆
慶六年題准上江總四衛淺船在安慶廠打造
聽新設副使提調九江衛在本處打造。聽九江
道提調下江總六衛在蘇州廠打造。聽糧儲參
政提調原設把總等官盡行裁革。○萬曆九年
議准浙江漕船先因瓜洲車壩將雜木作底五

年一更。後因建開得免車盤改限七年。今改楠木計價一百二十七兩。必駕運十年以外方許另造。

漕禁

宣德二年。令運糧軍船工部及諸衙門。不許撥載他物。致悞償運。○成化六年。令提督漕運等官。嚴加巡察。若有運糧官軍。沿途羅賣糧米者。即便拏問。及行京通等處管糧巡倉等官。禁約各倉鄰近之家。不許收買糧米囤放。賣與運糧官軍。有犯拏問。并把總各衛所該管官員。一體

治罪○十年令漕運軍人許帶土產換易柴鹽。每船不得過十石。違者盤檢入官○二十一年題准管運指揮等官有借債至一千兩以上者革去冠帶。五千兩者住俸。一萬兩者降一級。不許管軍管事○弘治三年奏准各處兌過糧米務照原兌樣米上納。若官軍人等將原兌好米沿途糶賣。却糶陳碎及插和沙土糠粃麤穀等項抵數者驗出。將各該指揮等官叅送旗軍徑送刑部查照侵盜邊糧事例問擬。仍換好米上納○十二年奏准把總等官縱容旗軍花費脚

價及私下還債。以監守自盜論罪。立功滿日帶俸差操。債主以盜官物論罪。勢豪官員奏請發落。家人伴當發廣西烟瘴衛分充軍。○十三年。令運糧衛所各置文簿一扇。凡兌過糧數并脚米多寡。一應盤費使用。及侵欺債負等項。逐一附寫。事完之日。送漕運衙門查究。○又奏准。官軍漕運。將正耗糧米照數交兌。不許折收輕齎。及中途羅賣。違者軍餘欠十石。小旗欠五十石。總旗欠一百石以上者。俱問發邊衛哨瞭。百戶欠三百石。千戶欠五百石。指揮欠一千石。把總

都指揮等官欠三千石以上俱問發原衛帶俸
差操者總欠數多總督漕運總兵等官另行奏
請定奪原責官糧責付領運交納所得價銀入
官○凡勢豪舉放私債交通運糧官挾勢擅拏
官軍縛打凌辱強將官糧准還私債者問罪屬
軍衛者發邊衛充軍屬有司者發口外為民運
糧官叅究治罪○凡漕運船隻除運軍自帶土
宜貨物外若附帶客商勢要人等酒麪糯米花
草竹木板片器皿貨物者將本船運軍并附載
人員叅問發落貨物入官其把總等官有犯降

一級回衛帶俸差操民運船不在此例○凡楊村蔡村河西務等處如有用強攔截民運糧船在家包雇車輛逼勒多出腳錢者問追給主仍發邊衛充軍○十七年題准把總等官敢有指稱打點饋送計船科取許被害旗軍具告漕司提問如將已物稍派各船希圖覓利或攬客商貨物取其雇值或寄裝在京勢豪人等土產負累旗軍出陪腳價亦許首告所在官司照例盡數入官○正德十五年議准運糧官員到灣之時脚價不敷許赴漕運官處告理如有私自借

債累軍償還者漕運衙門徑自訪察從實奏
○又議准凡將尚堪撐駕運船捏作損壞通同
盜賣得價脫逃及勢豪強奪拆卸者監陪完日
查照盜賣錢糧事例問罪○嘉靖六年議准管
運官旗人等上納糧米驗與原樣米不同者官
候糧完類叅行各巡按御史提問旗軍過淮之
日漕運都御史提問○又議准運糧入倉不許
門官歇家伴當光棍人等捎留糧袋索要銀錢
緝事衙門訪出照依打攪倉場事例問擬發遣
○七年奉漕運衙門各總衛所不許剋取行糧

輕齎等項及置辦酒米段疋紗羅并各土宜饋
送交通賄賂事發拏問重治○八年議准司府
州縣管糧官各於水次同兌運官將成化十五
年原頒永為法則字樣鐵斛與依式成造印記
木斛較量相同就便交納如有將私造大斛大
斗用強交兌者監兌官及撫按官依律照例拏
問○又議准遮洋船由海道經涉梁城守禦千
戶所寶坻縣

皇莊白龍港新舊倉龍王堂一帶地方居民弓兵
官校人等敢有在於河路張布冒網阻礙船隻

及稱盤詰因而集衆搶奪財物者撫按衙門及
鄰近管糧管河郎中主事等官拏問搶奪財物
滿貫以上者兇犯枷號一箇月照例發落○又
議准經紀把持開壩及光棍指稱勢要名目詐
騙漕運軍船財物或刻關防私記號為條子錢
等項名色橫行索取或在車營等處包攬起剥
因而勒捐加增腳價者巡倉御史管倉員外及
所在官司究問照例從重議擬奏請發落○又
議准官軍通同無籍光棍盜賣軍船各從重追
問監陪原船完日問罪發落○又議准把總指

揮千百戶等官。索要運軍常例銀兩。及科索至
十兩以上者。問罪降一級。二十兩以上者。降二
級。三十兩以上者。降三級。四十兩以上者。降三
級。發原衛帶俸差操。再不推用。至五十兩以上
者。問發邊衛充軍。跟官書算人等。科索軍士銀
物。侵欺入己。至十兩以上者。問發永遠充軍。○
又議准。侵盜在官糧米。至四十石。銀二十兩。錢
帛等物。值銀二十兩者。俱問罪發邊衛永遠充
軍。糧至百石。銀至百兩以上者。斬。○又議准。京
倉軍民運糧到日。聽其自行雇覓各倉囤基囤。

放糧米不許抽錢。以為伴當官攢斗級常例。亦不許運官旗軍饋送土宜。若小脚歇家營求在官。指稱公用為由索取囤基等項財物。及別項求索情弊。於本倉門首枷號一箇月。滿日送法司依律問擬。軍發邊衛充軍。民發口外為民。干礙內外官員奏請定奪。○又議准領運官員。如有侵扣運軍月糧行糧多索船料等項銀兩者。查出贓私俱照監守自盜事例。問擬發落。○又議准運糧官軍人等犯罪。經提三次不到官問理。皆准照原供贓罪行。令該衛追贓完日仍申。

巡按御史各照前例擬罪發落○又議准運官
違限內總督并內監督衙門有擅科一縣罰銀
一錢者聽戶部與提督御史指實叅究○十三
年奏准今後運軍脫逃分別次數初逃一次者
照常發落二次者枷號一箇月方許收運食糧
三次者照依操軍事例俱調衛○又議准把總
都指揮指揮等官如遇漕運衙門差委查盤止
許催僨該管衛所船隻不許營求別差以圖賄
賂亦不許假以該管衛所借債為由令其買賣
負累軍士違慢糧運違者聽總提督衙門并巡

倉巡河御史等官奏摺問○二十年議准。今
後進倉糧米仍令運官照舊掣斛進完報曬。若
有臨倉掛欠。照數陪補治罪。不許守門官軍人
等假以合子米為由。徇情故違。一槩擾害○二
十二年議准。今後司府州縣受理軍民詞訟。干
礙運糧官軍。如係強盜人命重情。備行知會漕
司。委官拘問。其餘賊私小事。將原詞抄行漕運
衙門。照例候交糧完日。發理刑主事問理。不許
徑自拘繫○萬曆九年題准。備行各監兌官及
兼理漕糧御史。將該兌糧米。限同州縣官并運

官看驗明白交兌。取具有司結狀。運官領狀。備將緊要數目字樣。用印鈐蓋。各一樣四本。一存監兌。委官。一送漕運衙門。一送戶部。一送總督衙門。案候收糧。如米色與結狀不同。即係官旗插和。若有司縱容糧長。將爛米搪塞。不肯從實結報。各從重叅究。○十二年議准。軍旗有欲呈告運官不法事情者。許候糧運過淮。并完糧回南之日。赴漕司告理。如赴別衙門挾告詐財者。聽把總官就拏送問。犯談徒罪以上。調發邊衛充軍。另拘戶丁補伍。○又議准。凡漕運官軍敢

有水次折乾及中途糶賣以致抵壩起欠及臨倉掛欠者即係侵欺除正犯查照律例問擬外其餘官旗仍各總計名下欠數總小旗欠一百石問發哨瞭百戶鎮撫欠二百五十石千戶欠五百石指揮及千戶等官全幫領運者欠一千石把總官欠三千石俱問罪降一級發原衛所帶俸差操有能臨時設法買補完足止作折賣正犯各官旗免罪其雖不係侵盜但有虧折俱照前例擬斷若總欠數多及竊惡不堪至三萬石以上總督總兵等官另行奏請定奪○又議

准漕運把總指揮千百戶等官。素要運軍常例。及指以供辦等費。為由。科索并扣除行月糧。與船料等項。值銀三十兩以上者。問罪立功。五年滿日。降一級帶俸差操。如未及三十兩者。止照常科斷。其跟官書算人等。指稱使用。科索軍人財物入己者。計贓論罪。如至二十兩以上。發邊衛充軍。○又議准。衛所官完糧後。備造支銷數目。呈報稽考。若有造報不明。及侵欺靠損情弊。許運軍指實首告。各查照律例。從重問擬。把總官失於覺察。叅問治罪。○又題准。凡漕運錢糧。

有侵盜銀三百兩糧六百石以上。俱照侵盜本律。仍作真犯死罪。係監守盜者斬。係常人盜者絞。

民運

正統十三年題准。白糧船編置字號。送沿河各官催督。及行甄廠。免帶執。○成化六年奏准。蘇松等府運糙白糧米。係官造船隻。每船僉撥納戶五六名。多不過十名。領駕來京。行收糧衙門驗無糠粃沙土。免其驟揚。即與收受。○弘治七年題准。行河西務。遇白糧米剥船到關。俱免納

料即時放行仍行各鈔關一體驗放○嘉靖元年題准民運白糧照兌運事例每十月終做完委官十二月以裏運至瓜洲聽僨運郎中催僨次年正月終不完者將府州縣管糧官提問住俸半年三月終不完者住俸一年仍令戴罪催徵若延至五月終不完者將府州縣掌印等官通掾各降二級蘇松常三府限正月以裏過淮八月初一日完納若限外三箇月上完者住俸半年五箇月上完者住俸一年至次年二月終不完者問罪降二級○隆慶二年題准民運糧

行各撫按委府佐貳官一員為總部。州縣佐貳官一員為協部。正月以裏督行開船。定限六月以裏完納。如部運官不依期催解。違七月終限者。住俸三月。違八月終限者。住俸半年。違九月終限者。住俸一年。違十月終限者。降級。歲終不到者。比罷軟例罷斥。各掌印官遞降一等。○六年題准。民運白糧責令糧長設處船隻同運官幫次開程。過淮淤入開漕務。叅政督催與軍船一體執搜。仍許量帶土宜四十石免其納稅。○萬曆九年議准。行漕司及各巡撫將江南五府

應運白糧。令各糧長。仍雇五百料中船。勿令夾帶私貨。應得水脚。當官議定。先給一半。其餘印封。船過徐州。總部官驗給○又題准。每歲解京白糧。務點數實糧戶。正身解納。不許棍徒包攬。應運米數。先儘本名。如有官戶銀米。責令運送倉庫。轉給領解。以杜短少。陪累船隻。許令糧長自雇五百料中船。每百石。定給銀三十三兩。埠頭等役。悉行查革。經過鈔關。如果止於土宜四十石。免其納稅。糧至丁字沽以北。河西務主事。即照軍糧所定脚價。撥船起剥。徑交經紀。搬杭。

過壩。不許仍前寄囤。如有積棍攬解。歇家科擾
等弊。聽巡視科道叅究。糧完之日。解戶杜軍。給
發部運官領回類繳。各有司不必監比家屬。仍
刊稽弊文票。聽巡倉御史查給稽覈。

完運

成化二十年題准。遮洋支兌三十萬石。除天津
等倉六萬石外。將薊州二十四萬石內。改撥十
萬石。豐潤倉交收。以備山海遠衛官軍支給。○
弘治九年題准。運本色十萬石。赴薊州倉上納。
折色十四萬石。運送永平庫收貯。以便官軍月

糧○嘉靖二十九年。

命撥漕糧二十萬六千餘石。接濟密雲昌平兵馬○三十年題准薊州班軍六萬七千員名。該行糧十三萬四千石。於漕糧內撥運○三十四年題准密雲主客糧米內。量改六萬石。給昌平支用○三十五年。減免密雲昌平。原撥漕糧五萬石○三十九年題准。令運官將漕糧運密雲鎮七萬石。昌平鎮三萬石。并行糧一十四萬四千三百三斗。徑運該鎮。歲以為常○四十四年。以薊永分鎮撥薊鎮本色十萬石。折色八萬四千石。

撥永平折色五萬六千石○隆慶三年題准除
原派薊鎮倉糧船隻照舊外。仍將臨清德州各
水次應兌漕運。坐派昌密二鎮。以便北衛所軍
船就近派兌。工部設廠。戶部委官監收。就與領
運。以免進倉出倉繁費。其應用腳價盤剝。該扣
米一萬一千六百一十二石。每石五錢。行令有
司徵銀一萬八百六兩。隨糧起解。以備兌運○
六年。以潮白二湖通令密雲漕糧舊發一十萬
石外。加增五萬石。由新修河道運赴該鎮隆慶
等倉交納。仍於該鎮客兵年例銀內。每石扣銀

七錢存留太倉○又令鞏華城官軍月糧并先
額漕糧四萬石俱由通河運至莫靖倉將薊鎮
永鞏昌標四營軍糧九箇月本色并

長陵等八衛別項官軍月糧俱由莫靖倉就近開支
○萬曆九年題准莫靖倉原撥漕糧十五萬石
內將二萬石自沙子營陸運改撥居庸倉收貯
轉放居庸黃花橫嶺三路官軍月糧以免召商
勞費其搬運腳價莫靖倉每石銀四分今每石
加一分共加銀二百兩責令殷實商役領運○
十一年議准營州左屯衛官軍月糧遠赴通倉

不便。自萬曆十二年為始。每年漕糧到日。通州管糧郎中撥發二千五百石。就令昌鎮運糧經紀。自通州水運至順義縣小東莊。每石給腳價銀三分七釐五毫。自小東莊陸運至城。每石給銀五釐。俱在隨糧輕齎銀內動支。該衛官軍。逐月關領。